

岳東海文稿

下篇

番外言册

庫	文	閣	内
三	二	二	和
六	六	六	書
函	四	三	
	一		
七	一		
架	冊	號	類

内閣文庫	
番號	和 26643
冊數	11 (10字)
函號	206 114

詩集



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



岳東海先生文稿下篇卷之八

淡筆文庫

三河 岳融子陽甫著 男 鸞 同輯校

瑗

七言律詩 下

送玄雅師遊鬢髮山

高僧既坐一乘中。毛野津梁大道通。空界雲開星顯
寺。上方天接日光宮。鼎湖水自丹湖落。螺髮山教鬢
髮雄。聊向舊棲駕神駿。定知名勝滯支公。

奉佐伯侯命詠夜來香

此草嶺南之物。入吾邦未發花。今茲偶發。侯園

一名月下香。又一名雪鴛鴦。

瑤姿光麗似新妝。南國佳人倚玉墻。生長炎方凌瘴癘。移栽弱質畏淒涼。同心讓去梅餘色。終夜輝來月吐香。好是鴛鴦名又在。獻君端發雁池傍。

擬李于鱗送李司封謫廣陵

嗟君遙指廣陵城。萬里波濤入望生。王恩綠鬢流官路。客夢青雲抗疏名。揚帆江海連秋色。歸雁關門度月明。見說聖朝饒雨露。猶懷戀闕逐臣情。

石庭臨琵琶湖值雨

琵琶勝景愛來供。一望層陰漸自封。風落矢橋亂低雁。雲蒸竹島隨出龍。洪濤萬壑皆應響。急雨千崖盡收蹤。壯然猶倚石庭檻。烟裡園城傳晚鐘。

陪淘陵侯天游園遊覽

侯家乘暇踏青蕪。春滿江山望不孤。瑤甕幾斟仙子酒。珍肴頻出郇公廚。烟霞度水浮潭鏡。花樹連雲入畫圖。騷客扈遊將作賦。隨心應接更踟蹰。

曉發山驛

曉發山亭下石梯。行行啼落五更雞。松間殘月窺人影。石上凝霜印馬蹄。夜柝漸知城郭近。寒砧猶與澗泉迷。東方微白回頭見。驛路千盤嶺樹西。

送滕氏之唐津

驪駒暫駐鳳皇樓。祖帳開尊慰別愁。落日將懸徐孺榻。何人堪御李膺舟。連峯雲樹迷三備。大海烟波問九州。莫道壯心猶未減。偏憐萬里鎮西遊。

暮春送岡伯英携家還洵陵

共望家山思不窮。君恩春滿路堪通。還車濡軌桃花

水歸馬翻蹄。柳絮風端異。桑中携卓氏。更非雲外逐。梁鴻陽和難散多時恨。到日洵陵城裡空。

伯道公子讌集

翩翩公子顧夷門。何事侯生坐自尊。風破秋陰晴上閣。天懸江月夜傾樽。疎狂豈協青雲態。逸興祇招白首魂。醉裡難容真棄物。君心卽是似乾坤。

為向昌伯賀其母白杉大孺人八十

開宴高堂紫氣間。隱居君輩是仙班。鼎中金化盃猶冷。竈上丹成酒亦殷。不羨麻姑同處子。徒聞王母占

芳顏陶家舊有長生術看取容光幾度還

驪山賞燕子花

玉池開出紫花清不復銜泥污殿楹能奪丹朱真沃
若且逢風雨欲飛鳴靚妝有似烏衣色榮寵仍齊趙
后名更為宮娃多妬忌禁城遙處驪山生

秋日奉送葵丘侯襲封就國

湛露初霑入素秋白駒今夕向葵丘龍山遙望開雲
出蘆水迴看傍路流父老當窺新大守封疆無改舊
諸侯香車正逐西風去夢裡芳蘭竟不幽

冬日送嶽泉禪師

袈裟行色欲留難但問津梁到夜闌明月珠懸衣裡
去黃金身許夢中看梅花應落歸來日柏樹纔餘別
後寒尚憶虛空凌白鶴忽然飛錫下雲端

冬日江樓會飲二首

落盡丹楓上水樓乘時秖飲酒徒遊秋過獨少鱸魚
膾尊滿誰同雪夜舟萬里風烟來騁望百年塵跡此
銷憂奈何今日浮生興醉裡憑欄對泛鷗

危樓縱目伴同袍勝地乘晴命濁醪水面雲開真月

鏡江心島起定瀛鰲魚龍游泳千尋澤雁鷺浮沈萬古濤當飲乾坤已容我寒天促酌醉來豪。

遊鳳來寺山有理脩仙人跡

連閣層臺出樹巔翠巖青壁隔塵烟路從初地羊腸轉山插諸天鷲影懸餘恨上方尋淨域無心高處望登仙卽今縱有鳳凰逐俗骨由來縛萬緣。

哭杉君瑞

上帝應成白玉樓能文下土遠相求便辭梁苑乘雲去遂向清都授簡遊大夢千秋長夜飲鈞天三日舊

時愁卽今徒賦人間美騷客招魂淚自流。

春興

三河孤客一貂裘十載乾坤過浪遊天上年光移北斗人間春色逐東流黃金知己俱相盡白髮成功不可求壘塊胸中澆臘酒醉來高枕玉壺頭。

春日過飲杉君宅

病起憑君舉酒卮成蹊桃李著花時朱門公子平原氣白首騷人下里詞醉叩唾壺狂自發坐傾家釀意當知春風豈翅披懷抱投轄都忘遲暮悲。

清水寺臺眺望

靈城高起洛城邊。十二通門指掌前。鳳闕中央開紫極。人家四面入青烟。分流兩水連銀漢。抱地群山列碧天。今古梵臺稱壯觀。始知名勝不虛傳。

田叔明卧病因賦寄懷二首

避世墻東舊酒徒。平生滿酌笑窮途。解醒數斗隨鯨吸。釀病多時捋虎鬚。壁上唯懸劉伶錡。牀頭未化鄭泉壺。中山醉裡能相似。醒見尊醪有恐無。

日日銜杯病裡停。酒瓶將欲作花瓶。方逢天地回春

色豈見。江湖落歲星。入夢聖人當半醉。讀騷名士恨長醒。頓如廣客瘳蛇影。知向尊醪眼亦青。

仲秋遊養真山人芝浦樓

養真仙客有危樓。登眺靈芝江上秋。波浪涵天開總海。峯巒隔岸出房州。浮雲遠近三更絕。明月高低一色流。不羨人間庾公興。玲瓏似向廣寒遊。

秋夜喜晴

積雨黃昏散太清。漸看雲霧讓秋晴。南天山嶽分芝海。北極星辰照鳳城。滿眼變更天地色。披襟豁達古

今情龍門老去無凡客。獨上高樓酌月明。
應佐伯侯命壽寶翁九十初度。誰道神仙遠入山。八公當日住人間。別開天地堪相
樂。常願衣冠豈不開。方朔風流無俗骨。劉京老大有
童顏。淮南賜宴多君寵。何復龍鍾洞裡還。

秋日送穆如君之浪華

憶君行役浪華城。便向西風匹馬鳴。天地清時無慮
盜。邦畿雄鎮更談兵。一年猶作三年別。千里還傷萬
里情。斯地梅花春色早。題詩遠寄舊同盟。

友人相邀登樓

騷人邀我自相將。登眺高樓屬興長。窗外風烟開絕
勝。簷前春色入詞場。百年天地常為客。萬里山川正
斷腸。唯為憑君能縱目。聊忘此日在他鄉。

東都得葵丘侯東奉遲其述職

梁園高興及天涯。深翰翩翩出雁池。桑海波臣鯉來
遠。函關雲路鶴飛遲。風邊未度歸旌色。月裡空投折
桂枝。願見使君驅五馬。東方千騎更追隨。

團山

團山寂寞鳳城邊。九陌三條滿眼前。時就樵歌問迷路。行隨鹿跡到高巔。水餘鷓鴣皇輿道。雲作龍蛇帝里天。遺恨風光望無極。徘徊晚景閉層烟。

長興山

長興山色鬱蒼蒼。萬嶂千巖鎖寂寥。觸石澗流趨白馬。拂雲祗樹插青霄。函關西出峰巒隔。湘海東盤驛路遙。下嶺數逢兩都客。更疑端渡天台橋。

寄源規卿二首

西天高起浪華城。憶昔豐王歷遠情。雄鎮清時應伏

枕。長征盡日不談兵。梅花無減揚州色。詞賦爭推水部名。多暇題詩逢驛使。一枝併使北人驚。

浪華西望幾重雲。遠道關心此有君。詩入蒹葭堪自阻。書懸鴻雁向誰聞。各天落木風聲合。兩地登樓月色分。倘憶潘生能作賦。他鄉秋興却紛紛。

伏水懷古

豐王曾起浪華臺。仍見名都闢草萊。澗水陳舟征伐日。桃山秣馬并吞才。天涯意氣歸黃土。海內英雄覆綠苔。千載空看餘古驛。京橋兩岸萬家開。

孟夏東歸度巖城嶺

巖城峻阪此躋攀。絕頂夷途控往還。疊浪頻翻青壁外。層巒迥走白雲間。松林浮水遮南海。雪嶽懸天壓北山。躑躅花開輝夕照。蜀魂啼送向江關。

奉賀佐嘉侯新命少將

海西雄鎮佐嘉城。遙壓殊方萬里情。賢主封疆皆茂德。虎臣邊境尚談兵。三韓地斷通波色。九國天連共月明。聞道君侯遷少將。能敷威信護神京。

中條君美歸自芳野賦此贈之

芳野峯巒百里連。山櫻花滿白雲邊。雪餘深谷風空暖。月照高巔日尚懸。好是遠遊安處士。更能濟具似飛僊。壯觀歸來使人羨。囊裡詩篇驚四筵。

應河田君命遙寄題南部平子詢梅園

傳聞谷裡萬株梅。徒異江南處處栽。縱使鄰人翻玉笛。何妨美女勸瑤杯。雪封枝上香先漏。月滿花間影復開。請折一枝勞驛使。今吾將試法曹才。

春雨侍小山侯集翠園宴時桃花盛開

春風三月顧西莊。集翠園中賜酒觴。小徑松筠迎劍

烏深林，烟霧襲衣裳。桃花猶照酡顏發，雨色還催醉態涼。賓客半酣爭作賦，使君高興入詞場。

哭秋歸德三首

使君五馬去東方，千騎追隨赴故鄉。服鳥賦成芝水外，釣天夢結鳳城傍。客星一夜終零地，遊子三年枉斷腸。獨向歸途違僚友，蜀魂啼血萬山長。銜杯白眼望青天，世上鴻名直一錢。老去醉時多壯氣，病來醒處入長眠。淚垂吹笛當壚外，思起招魂置酒前。遺恨未成劉伶頌，極知身後遠相傳。

醉裡揮毫氣自豪，平生傾盡一尊醪。三分稱譽非龍尾，五采文章有鳳毛。天上樓成來李夢，人間病起賦枚濤。那知身健眠雙眼，端怨仙才屬爾曹。

東叡山

巍巍東叡梵王臺，梁苑今成鹿苑開。帝子閣中停日照，比丘衣裡繫珠來。雁池臨水青蓮出，玉殿翻經白馬迴。三十六宮老僧滿，猶聞授簡會鄒枚。

春日會飲馬子糾宅

春光駘蕩鳳凰城，端到君家咫尺明。當檻花開官舍

樹入窻聲滿禁林。鶯生涯不用夏王戒。老大猶懷畢
卓情盤外飲。儲今若此。請看昏暮百壺傾。

竹徑

竹林非擬子猷栽。但掩茅堂小徑開。梁苑樓臺何得
抱。丹陽車騎不能迴。風邊封雪吟休牖。月下凌霜影
覆苔。縱是無心塵世絕。誰家年少此徘徊。

贈江處仲

人間行路自崎嶇。况復生來混酒徒。潦倒功名迴望
去。疎狂富貴入看無。虛懷衣褐荆中壁。纔食場苗谷

裡駒。今古世情疑我事。當年白眼泣窮途。

春日同源子宥公子及林大豐山人遊驪山

雨霽驪山不起塵。郊天美日弄芳春。翩翩乘興隨公
子。寂寂尋幽伴隱淪。林裡烟花深駐步。樹間黃鳥轉
邀人。行賒僻地路傍酒。酒苦還堪醉態真。

瀧長門使君王芝園宴

使君開宴玉芝林。隔斷風塵幽興深。入檻斜暉來樹
影。捲簾疎雨點庭陰。坐中無問青雲志。醉裡兼忘白
首心。為有淮南招隱賦。朱門能得布衣侵。

武城送古子博還佐伯

去年揚柳縮家鄉。今歲鶯花散斷腸。天曉一朝辭旅舍。春風萬里送行裝。孤帆江海乘空度。匹馬關山遠路長。便望豐南聊惜別。俱傾落月武城觴。

泛芝江

淡靄輕陰破遠天。乘晴解纜放舟船。芝江翠壘千崖樹。總嶺青連萬壑烟。方士當年空入海。瀛洲何處謾求仙。夜來斯逐星槎去。水接黃姑織女邊。

長子行臨池館賞月

高齋邀客溜池隈。置酒婆娑月進杯。鳳闕晴雲當北起。虎門秋色自西來。懸空鴻雁光堪數。落水林巒影漸迴。今夜素娥窺醉態。興酣唯覺倚瑤臺。

寄御牧君明

握手江城已十秋。飄蓬一去坐離憂。向誰傲骨承青眼。唯爾交情許白頭。雙淚衣裳分地濕。頻年日月各天流。忽看共老難圭璋。裁託歸鴻寄舊遊。

春日送人罷官還鄉

客館誰忘憶故廬。王門裁慰曳長裾。河橋風動揚堪

縮道路春深，雪盡除。曾母天涯，還嗟指。潘生花裡，竟登輿。南湖採蕨，逍遙日，猶恨塵途久索居。

春日詠懷二首

就舍迎春三十年，飄零虛老鳳城邊。遷鶯端起窮途恨，歸雁非關鄉信傳。張翰黑頭能避世，甘羅黃口已稱賢。纔應一醉忘慚愧，還脫貂裘易酒錢。南窗北戶繞春風，戲蝶遊蜂依古叢。幾歲還家情謾切，連山臨水路空通。少兒不識他鄉客，老婦唯憐秃髮翁。去國生涯過落魄，自疑猶是處關東。

卜居

芝水江邊傍泛鷗，鶉居處處苦求幽。種竹非關斷松徑，愛鵝何厭啄秧疇。窗入晚暉虛白色，門來春草踏青遊。私心自省無操量，卜築衰年尚未休。

昭君夢歸漢宮

單于獵火照陰山，空帳孤眠好自閑。夢傍秋霜胡殿結，魂流夜月漢宮還。奉恩雲雨方神女，恃愛檀裘近聖顏。不是畫工誤容色，覺來天曉出邊關。

桂花樓

東坡詩集卷之八

天畔高開百尺樓。江山四面迥悠悠。推窗月樹枝堪折。入檻星河水欲流。群雁漸穿雲裡出。千帆不度霧中浮。羨君時避人間世。能傍常娥翫素秋。

春日老懷

寂寞年年逼我曹。乾坤無駐一禔袍。梅花奪白愁雙眼。柳色懸青傷二毛。老去古人何益壯。窮來今日不能豪。銷憂智計探囊盡。但倚閑窗酌濁醪。

擬唐人送人貶南國之作

十載恩榮夢裡過。謫居憐爾意如何。帆懸萬水晴天

遠馬度千山。夕照多。鵬際白雲低。嶺樹蚌中明月出。江波風塵却靜。流官地。勿解簪纓。伏薜蘿。

感懷二首

天涯伏枕紫芝溲。春入都門病裡深。忽見風烟移舊色。漸知年壽蹙分陰。千條翠柳搖鄉思。百轉黃鸝砭客心。江城信美非吾土。矯首花邊發越吟。

百年天地過蹉跎。老去千門秋色多。落魄裘襦李。子招魂。卧病馬相如。丹墀曉月輝銀燭。紫陌西風鳴玉珂。獨聽江城寒杵急。牛衣衾裡夢三河。

送典靈上人之嵯峨住清涼寺

聞君如意拂垂楊。西指香臺洛水傍。卓錫青山閑上國。懸珠明月出東方。故人謾駐支公駿。到日相迎長者場。知是天花堪自下。祇園春色益輝光。

冬日送吉文蔚還會都

萬仞環山四塞雄。雲間鳥道會城通。寒天歸馬凌崖雪。鄉路征衣拂嶺風。人是知經漢。楊子主能移俗蜀。文翁還家應有群英訪。不覺崎嶇度碧空。

岳東海先生文稿下篇卷之八 滕建德君鴻謹書

岳東海先生文稿下篇卷之九

三河 岳融子陽甫著 男 璿 同輯校

瑗

五言絕句

客中行

家書淚痕在。行行只道歸。目送天邊雁。萬里客心飛。

青樓曲

門前楊柳枝。朝朝縮別離。自從君繫馬。始識掛長綫。

山中寄遠

白雲原裊裊。堪遠贈人間。唯恐山中物。飄然去自還。

途中值雨

雲峰崩掩日。雨足逐先人。暫爾望前路。川流劃地新。

題畫二首

雞步竹叢邊。但看地上跡。誰道不能啼。啼驚坐中客。

黃鳥分花出。驚人更欲飛。若置閑窗下。定知枝上啼。

過滕彦助二首

林卧聞黃鳥。懷人一乘馬。不知馬首東。每入君家下。

問君曷無魚。詰我何不醉。滿酌試推窗。間月出空翠。

青樓怨四首

蛾眉頻得寵。未和白頭吟。歸馬還來馬。徒移夜夜心。

白馬錦鞍韉。非是乏青錢。為有洞房嫉。所歡不留連。

白面羽林兒。青樓傾國人。相看苦相語。俱愛路傍春。

一擲千金子。合歡連夜牀。別有傷心者。空結多情郎。

夏日早起

夏天偶早起。拭目向西方。忽見松蘿月。聊疑日出光。

為伴敬甫題畫二首

流水收波響。高山絕夕陰。怪來問漁叟。靜默似無心。
一處但停撓。投竿歲云暮。縱逢天子邀。蕭灑不回首。
過向榮亭。

芳茶應換酒。春日不牽眠。喫來聽黃鳥。心事也蕭然。

湖上弄月

詞客隨明月。扁舟遠泛湖。不知探勝處。誰是得驪珠。

過飲贈春亭

時時可來訪。亭子不勝春。况復傾家釀。何勞寄與人。

題美人梳頭圖

梳頭未結髮。絲髮被紅顏。裊裊青柳樹。桃花發其間。

舊館柳

重來攀柳枝。垂淚掛如絲。榮枯誰得避。羨爾能無知。

山齋梨花

不看他山雪。唯看簷前照。冷豔全欺人。梨花滿枝笑。

寒風入松

搖落空山外。孤松秀色深。寒風入無那。只是弄清吟。

寄題瑞林師指月樓

秋滿曹溪寺。高樓夜色殊。登臨坐孤月。指上弄明珠。

友人過訪二首

主人今可睡。故人還可眠。共起將飲酒。明月上江天。
我有尊醪在家亦枕江邊。請君莫彈劍。忽過打魚船。

惜春

城頭昨夜雨。處處入芳園。馬蹄春色盡。一路步黃昏。

秋日村居

東西蒿徑通。籬落遶桑柘。唯見寒烟中。蕭蕭秋葉下。

晝眠

午時聊得閑。將學盧生睡。復入夢中纏。終身坎墮事。

塞下曲三首

白草無人地。風沙萬里流。虜庭何處是。或訝慎防秋。

八月繁霜下。茫茫枯草班。健兒三十萬。誰生入玉關。

驕胡逃滅跡。塞北更蕭然。嫖姚有餘力。獵火照祁連。

葵丘侯溉水園二十勝

層層翠巒外。滄海南天開。嶺頭把酒望。大似手中杯。

右觀海嶺

攀盡高岡巔。雲外入天闕。相邀望鴻濛。下方吐圓月。

右邀月岡

山道蹴空懸，凌雲上碧天。漸出人間世，謾喜作神仙。

右凌雲阪

三壇樹鬱葱，爭競控幽討。夕麗穿深林，行念靈光抱。

右三靈壇

欹巖枕澗流，澗水韻巖曲。復是腰鎌人，行行振佩玉。

右枕流巖

下磴踐斜暉，秋光還照灼。不辨黃昏時，丹楓繼日脚。

右丹楓磴

磴盤深樹裡，嵐氣送迎人。暫時登頓際，將欲滌衣巾。

右翠嵐磴

激揚奔水灣，蒼苔被石壁。疑有西城文，熟視窺清滌。

右石壁灣

空亭不設墻，獨坐裁容膝。抱膝此回旋，河山移不一。

右獨坐亭

山橋落宛虹，猶在雲深處。一度輒躡躅，恐為烏鵲去。

右落虹橋

白日沈潭鏡，皓月落冰壺。星燈來此者，陽侯盡弄珠。

右弄珠池

樓臨玉池起落影疊清瀾水中如有客迎我又凭欄

白日右疊波樓日暮水寒坐對來此法想對畫梁空

童童孤蓋松偃卧掩池上風日使人迷高低起波響

山前右偃蓋松水寒坐對來此法想對畫梁空

夾徑細松林逍遙步其下鳴籟和行吟微微益蕭灑

雙亭右細松徑坐落容和外親出田其山意之

滿塘千樹春爛熳競妝靚輕風過弄流細浪織花影

右媚春塘香對云變或自西也人與之意

光洩月峰雲影重花塢水纔看一館中無限幽心起

右樂幽館

團團一芳樹花覆九層臺天香下土落霞彩半空開

右覆花臺

蟠龍據水心面面風烟好欲必得玄珠苦吟坐洲草

右蟠龍洲

潺湲日夜流石瀨鳴相驚時聞月下聲轉怪湘娥度

右鳴玉瀨

修竹蔭長塢清風掃俗塵却是青青色還來白眼人

右修竹塢

武城雜興三首

相值武城人。大半是豪氣。雖知明日貧。不厭千金費。
秋輦前池月。春筵後苑花。都人著豪具。相逐走侯家。
為客傍都城。不協東人意。閑窗獨讀書。徒聞行樂地。

深山圖

翠巒毫末開。萬疊迷瞻眺。此中誰不思。必出蘓門嘯。

啼鶉圖

能安藍縷衣。屢轉幽叢宅。幽叢或蒼茫欲啼不敢啼。恐作

金籠客。

餘子夢芙蓉。厥明得其圖

朝得芙蓉圖。昨夜夢中迹。頻見天游階。知君謫仙客。

江南曲得風字二首

羅裳飄颺起。行行罵渚風。低聲那得懼。兩頰發微紅。
浣紗出牛渚。豔郎在扁中。相見兩相憶。張帆逐駛風。

題米南宮書石壁圖

米癡面石壁。彩毫將欲揮。書罷生毛羽。恐為群燕飛。

郊行晚歸二首

歸杖曳郊天。棲鳥穿林入。蕭條月出時。孤樹疑人立。

不知三夏熱，晚步涼飈歸。行雲過月，點聲落子規飛。
隱趣

雲樹邀藜杖，月波承釣綸。無厭塵凡境，遂為丘壑倫。
從軍行得微字

從軍三十歲，不恨無生歸。但恨看驕虜，空自老金微。
浪華俠客行

浪華遊俠客，腰劍血猶存。能遭天幸脫，長占借交恩。
登富嶽得輪字

富嶽最高頂，攀躋出世塵。下土蒼茫裡，唯看赤日輪。

送齋生歸省小山

歸家七尺身，好是獻尊親。當年騎竹馬，初見作他人。

留別三首

白首遭生別，丹心作死灰。頻酌離筵酒，醜顏未落杯。
昔年上班馬，今日下歸鞍。相逢定相語，何時得此歡。
雲歸開暝色，江濶敞秋晴。纔教我帆影，遠奉汝離情。

題釣叟圖

月下憑欄釣，臨流岸上家。謾念非螭客，聊窺雙鬢華。

江都仲秋

江城一片月。置酒萬家樓。宮裡定相憶。獨供都下秋。
須磨看月三首

昔時投竄地。今夜縱情遊。可羨江山月。能看萬古秋。
彈成月下琴。微音苦世網。餘怨在千秋。猶寄金波響。
三年免逐臣。二女悲歸馬。于今風雨聲。月淨號松下。

題彥根越子心天梁松
曾種閑窻下。長成隱士松。元出天梁海。蜿蜒似卧龍。

遙壽勢南鈴訥翁七十初度
聞說鈴川水。遠從天上通。真來自霄漢。此地住仙翁。

別青山三首

青山久相愛。我負赴人寰。將知不言恨。唯見白雲還。
世事拔吾身。因辭故山碧。看汝不尤人。悠然望行客。
離家入塵路。停馬顧嶙峋。已為遠山色。倘似翠眉頻。

題紅毛山水圖

雪消青嶂出。月落翠江流。中回殊域舫。謾念學王猷。
竹窻午睡

狂風入修竹。窻外鬪聲深。倒尊沈醉客。午睡不能侵。
為字定卿題山水圖

空樹臨滇澗。虛舟傍峻峴。誰知此中趣。唯覺山水奇。

從軍行

孤軍深入大荒西。五路蒼茫去欲迷。猶是游魂憐漢卒。明君冢上草萋萋。

楊柳枝詞送人

春風楊柳亂斜陽。陌上垂垂拂地長。不得千條繫班馬。依依却是斷人腸。

宮詞

顧影顰眉久斷腸。承恩昨夜入昭陽。不識先容動天意。君王笑指雪衣娘。

老軍人二首

鐵驄遙逐朔風飛。面縛驕胡顧盼歸。馬上相逢忽相語。健兒如此老金微。

青袍白馬度天山。潦倒從蘓入玉關。長說當時三十萬。黃沙百戰獨生還。

題山水圖

轟轟峯巒翠萬重。奔流壁下走群龍。孤舟不逐長波

去深愛名山駐客蹤

擬王元美雨後

金城雨散映青霄路度黃泥不可逃
牛馭西門從此去一群宰相正回朝

夜夜曲

朝朝萬里望家山夜夜愁眠入漢關
幾歲空通歸馬路夢魂徒逐月華還

月夜尋梅三首

一夜探梅月裡耽行行小徑傍寒潭
微香到處教人

怪花隔春風在水南

探梅林裡草纖纖不識誰家月滿檐
忽送香風想花

影窺人玉面漏珠簾

婆娑月色照千巖今夜探梅露濕衫
洞裡花枝隱春

雪餘香堪笑更忘緘

雨中聞鶯

烟花隔影霧中香春雨空濛春日長
唯是流鶯窗外轉殷勤向我鼓詩腸

涼州詞

秋風蕭颯玉門關。萬里平原草色斑。牧馬虜兒雲裡去。射鵰胡騎月中還。

酬庭瀨森岡大夫惠盃

大夫秋興上高臺。為憶望鄉人未迴。醉後忘憂勸千里。遙投明月掌中杯。

國九一久不至因有此寄

才子如雲管水濱。裁詩還往一時新。三秋寂寞玄亭閉。今日誰能載酒人。

濤白雪山來

萬里蒼茫鏡水開。秋風吹落晚潮迴。麻姑碧海須臾改。一望千山帶雪來。

冬閨怨

捷書先奏建章宮。雨雪關山路不通。少婦徒聞破戎喜。冬天獨夜待春風。

半文卿宅觀秋海棠

花發秋風帶曉霜。朝看紅粉美人妝。君王未結莊生夢。胡蝶飛來只斷腸。

春夢

年年搔首老風塵。夢裡東山三十春。此日花間逐胡蝶。翩翩不識宦游人。

壽紫陽劉翁六十初度

紫府仙人入漢關。丹經未奏五雲間。願教天子承遐紀。先視童顏駐老顏。

奉謁日光廟

雲林深鎖日光宮。奉謁威靈在眼雄。北伐南憂思往事。遲遲漸出翠微中。

為滕彥助悼滕生三首

白楊搖落滿江干。秋氣蕭蕭月色寒。為識故人長夜恨。尚能時作夢中看。
蒿里偏歌豐水濱。褊袍雙淚一時新。已知零落紅顏色。猶憶秋風卧病人。
憐君短髮重相思。牀上彈琴淚若絲。欲問高山流水意。朱絃此日絕鍾期。

梅花雪裡開

風雪漫漫似舊年。不知春色到窗邊。停杯將結江南夢。苦送餘香入醉眠。

畫牡丹

國色凝嬌漢苑姿，年年喜見似當時。沈香亭子俱零落，逢著春風獨不知。

觀楊妃圖

蟬鬢蛾眉歷漢宮，花當玉檻倚春風。千秋似有遊魂駐，顏色長含國色紅。

報進道師

龜山深鎖白雲隈，下有千尋治水回。更識龍眠能可得，明珠容易暗投來。

秋夜墨水泛舟

紛紛絲竹起樓船，每上長流下夜烟。墨水秋深紅樹際，金龍月出彩雲邊。

遊仙曲

羽衣天上舞飄飄，不鎖瑤臺宴徹宵。華燭長懸明月色，醉歌祇作白雲謠。

和人赴總州留別諸子之作

一曲離歌唱舊遊，滿堂今夜不堪愁。無情最是東流水，明日潮來引客舟。

送人歸隱山中二首

華冠君子戀家山，棄我青牛去不還。
尹喜相逢昔時事，復無真氣滯函關。
柴門蕙帳舊茅廬，歸去山中意不疎。
猿鶴都忘他日怨，慇懃相迓主人車。

仲秋遊平安留別諸子三首

題詩送我到黃昏，一字千金慰別魂。
囊裡明珠堪便滿，相携偏照月華門。
秋色長安映五雲，千門明月客紛紛。
莫言湖海歸難

得誰復風流有似君。

望京山色滿高秋，匹馬揚鞭向帝州。
明日客中携酒處，極知相憶白雲樓。

舟中值雪

萬山漸沒四維愁，雲覆平湖澹不流。
已下雪花消水上，漫漫唯是滿扁舟。

登樓

高樓把酒起雄心，指點江山見古今。
日暮絃歌隨醉興，孟嘗愁淚落鳴琴。

題美人夢胡蝶圖

雙蛾畫得曉眠長。胡蝶翩翩傍玉牀。不結海棠花下夢。香魂猶自閉空房。

舊宮人二首

合歡花落合歡宮。不恨君恩老自空。纔見黃金能買畫。謾收華髮媚春風。

白頭歌舞侍昭陽。一曲君王正斷腸。別有紅顏承寵者。共開明鏡照新妝。

春雁

胡天二月雪華飛。到處漫漫冷滿衣。不聽琴聲起清怨。高山流水負花歸。

生日寫懷

四十年前入夢中。親慈掌上弄維熊。即今回首悠悠遠。猶是江湖一釣翁。

春日郊行

江都城外王孫遊。春草萋萋墨水流。今日繁華看可賞。淹留即是不堪愁。

邊詞

邊城五月望長安塞北千山雪尚殘昨夜故鄉數行
字炎天不問客衣寒

送紀仲玉之唐津二首

風流詞客別同袍欲賦相思弄彩毫更好明朝君到
處天涯堪望五雲高

唐城何處望漫漫匹馬孤舟道路難但有青山江上
色題詩客裡與誰看

得紀仲玉赴唐津自浪華見貽書却寄二首

唐城萬里隔三河匹馬西遊幾日過書自浪華堪便

得開緘早已客愁多

春盡鴻書報舊遊浪華千里亦堪愁揚帆此去唐津

遠西接青天大海流

江南曲

高樓臨水水縈迴春盡芙蓉鏡裡開粉面紗窗迎月
出羅裙畫舸拂花來

流螢篇二首

雲母簾前玉露秋秋螢亂點夜來浮沈沈猶逐深宮
草不向昭陽殿上遊

月隱高樓曉掩扉。羊車靜度後庭歸。流風螢火占秋色。猶傍金蓮燭影飛。

七夕二首

涼風暗促鳳城遊。夜捲朱簾碧漢流。乞巧紅妝多少女。彩絲爭掛倚高樓。
夜夜雲霄一水流。年年烏鵲度清秋。莫言天上相逢少。十載人間客裡愁。

過大福寺二首

萬壑千山積翠重。青苔一路絕人蹤。徘徊尋處迷初

地。谷裡遙聞日午鐘。

琉璃精舍豬湖傍。夾路松杉日影長。深入匡廬能得似。不知何處遠公房。

暫歸三河

秋風幾度入鄉關。豈憶飛蓬得再還。當日題詩窗外色。到來窺見岳城山。

十日菊

故人携酒訪黃花。更向東籬醉自誇。今日青尊同伏枕。空餘秋色在陶家。

空冬至僊臺渡子謙見招

人間戀戀惜年華天上駸駸白日斜一線纔長堪一

醉開尊况復迓仙家

賀日出井大夫七十

凝露濃濃凝露臺朝來酌取萬年杯君家賓客稱三

壽日出城邊宴更開

輓明道師

法燈院靜影幢幢夜夜翻經坐曉窗欲映三緣山上

月明珠今日沒芝江

岳東海先生文稿下篇卷之九 滕建德君鴻謹書

